

volo ipso in æternum. Secundum ar-
 gumentum est, *Ne forte tradat te adver-*
sarius judici. Est enim *terribile incidere*
in manus Dei, citari ad iudicium Dei, &
 coram Deo severissimo iudice causam
 dicere accusate adversario. Quicquid
 autem in hac vita transigitur, compo-
 nitur, & condonatur, id in vita altera
 similiter transactum, compositum, con-
 donatumq; est. Unde intelligere licet
 quanti Deus faciat charitate proximi,
 cum illam a charitate sui divelli non fe-
 rat, adeoque sine proximo diligi recu-
 set. Nimirum Deus est ipsa charitas, &
 hominem diligit quasi animam suam;
Jere. 12. Tertium argumentum est, *Ne*
in carcerem mittaris, unde non ex eas, donec
reddas novissimum quadrantem. Nimirum
 divinæ iustitiæ consentaneum est, ita
 nobiscum agere prout nos proximū
 tractaverimus, & qua mensura alijs
 mensi fuerimus, eadem nobis metiri.
 Quocirca quicumq; proximo suo con-
 donare non vult, ei Deum similiter gra-
 tiam non exhibiturum, nec ullum pec-
 catū condonaturum, est manifesti ju-
 ris divini. In quam miserimam con-
 ditionē qui propria sua culpa sunt ad-
 ducti, eos minima maximaq; peccata
 æter-